

四庫全書

史部

欽定四庫全書

八旬萬壽盛典卷第八十八

歌頌

萬壽恭紀七言律詩六十四章

恭集

用八庚韻

御製詩

謹序

戶部尚書臣董誥

皇帝御極之五十有五年歲德在庚日月會於壽星之
次恭遇

聖壽八旬天地昭融人神歡喜薄海內外裔夷君長圓

顧方趾之倫莫不重譯啟關鱗集

闕下僂蹈

昌期猗歟盛哉臣愚以為是太和元會權輿俶肇之期也粵自羲皇一畫肇啟苞符羲之數圓神以五方智於八故卦成於八重為八八以動為四千九百有六圖中於五成於五五以衍為萬有一千五百二十而策之數始一周所謂天施地生益進无方益萬萬而未有紀極矣洪惟我

皇上乾健坤貞嚮離出震建極錫極於茲五十有五年煥為
大文布為

皇武徵為

壽疇元氣所至山川出雲負氣含生有目咸覩

御製詩文篇垂五萬

經筵發論園橋

臨講淵源津溯四庫梁陳人倫之至

立言之精書契以來蔚乎觀止

省方設教俞河晏海以洎雅經重譜宣碣載摹闢球在
懸鑄鐘備製

文章之盛倬于雲漢我

武維揚宣捷者九西師一役拓疆二萬金川再征歲以
五年中間籌筆應機

神謨獨運東西朔南偕來奔走隸乎職貢之圖者三百
有餘部今者南交躬覲侍

陞承

恩臺嶠生畚瞻

天匍伏濟濟乎奉衣冠稟正朔軼隆干羽懿乎哉稽諸

邃古未茲有也蓋義主創

皇上義兼述作合先天後天之蘊為

念學

念功之本固與一畫開天同符合由是

覲揚詒裕以篤我

祜惟

天惟

祖宗

宗實右康之翕受專施

皇集其成

五福親受

五代燕翼應五五嘉會之亨當八八相生之始竊惟五
者圖之中數八者卦之成數因而重之則為大易
全經之六十有四嗣是乘之為億兆為京垓為不可

算斯臣所謂權輿俶肇者也今年春

皇上以鴻慶臻期迓

釐泰岱展謁

闕里既

蒞山莊迺

俞中外臣民籲祝之請

迴鑒行慶

上儀炳舉在廷臣工莫不懷握鉛槧砥礪濯磨薰有所

撰述揄揚萬一而臣叨職

禁近日得仰瞻

穆穆之光受

恩最深誠宜悉力殫精宣布職業如宵雅之頌九如顧

惟禱昧擬議莫名竊以

奎畫所垂乾端坤倪奧備圖書庶幾因

聖人之文以敷揚

聖人之盛德大業惟是咏雲門者難為音遊崑閬者難

為寶矧迺

聖文淵海富賅萬有量

天繪

日理窮鑽仰而

天日所臨容光必照不隨所見為大小昭昭之多具覘
全體易言先庚後庚孕義極博而且吉庚形詠乎
雅詩由庚間歌於儀禮先儒說經者一以庚訓續
一以訓道或又以申命謂庚或又謂庚言剛物至

秋始堅剛故釋氏亦言金剛般若波羅密為佛無
量壽臣謹仰繹經言旁綜諸詁伏以

聖人垂五履八歲紀大橫實維

聖節千支而十日十二子相配鈞環輟轉庚庚迭繼周
旋無窮適與義策相乘允有協於保佑命自天申
之義抑聲詩所始五均八音義自環生韻書繫八
以庚宜有天契

至德錫符期應紹至億萬萬年起祚乎是積祚乎是延

鴻曼美懋哉景鑠不勝踴躍懼忭之至私即管闕
所及恭集

御製七言詩成八庚韻律體六十四章謹拜手稽首以
獻

康彊八十叨

天貺九寓車書奉

大清

五世曾元胥統侍百年中外久承平義圖文錄三才貫

方卦圖著衆理呈茲獲箕疇

念時叙便期萬物遂由庚

右一

九疇箕子疇書衍帝範原開

帝學振省歲寰中多

錫祉垂衣日久慎持盈

觀民要為安民計

心法由來治法并

製寶仍勤庶徵

念及人勅政慎施行

右二

恭承

祖訓示千古感召

天和福萬祇有戒文恬誇豫大不為物蔽在離明三言惠

迪吉

欽仰一語為君難最精

位祿壽名得因

德祝

鵬欣願海山盈

右二

太和

廣運昭安阜

慶典今年舉

帝京億萬人增

億萬壽吉祥雲裏吉祥聲月如不夜常稱千干協大橫

恰值庚

天錫八旬曼以羨益欽

天眷凜持盈

早覺關山喜氣迎
光明日月永銷兵
七聞鴻捷叨

天佑六度

南巡慶典行
舊部新藩同賀喜
黜圉黎統驗其情

惠心勿問思義象

大德應符震出亨

右五

正供

普免培民氣
陳粟相因露積贏
一二偏災仍

賑卹萬千寶穡可登盈

時巡展義率由舊

行賞推恩例視成際此繁滋

仁壽世京垓億兆願康平

右六

五旬五載久

臨蒞

勤政明廷接九卿大率為民非為己端惟時雨與時晴

聯遐惠衆繁難却返樸還淳義寓精光祿減明十

之九

承

先示儉總闕情

右七

閱摺硃批手自評宵衣

問政惕深更披章豈不為之慰求當無非盡此誠
日有事焉資善政義如是耳貴躬行內安外順胥

天佑肯忘黔黎有仰生

右八

小廉大法

勉敦實詎止刑清政亦清靜照

萬幾無固必本之兩字曰

欽明軍機

策弗纖毫爽

乾惕攄斯一念誠鼓以雷霆潤風雨果然

天地有權衡

右九

大禮

躬親歲歲行

太和玉輦啟平明
穹窿氣象垂春幄
紉縵雲霞煥
寶楹雖是節勞語

從衆到斯

瞻仰敬攄誠

齋宮靜養神心謐
永祝雍熙豫庶氓

右十

要覽作而

成憲述

顯承佑啟泰階平

三謨

二典分明在

內聖外王模楷呈昭若至今

鴻訓示

勗哉惟是

體乾行由來

家法貽千禩

繼緒心殷惕捧盈

右十一

大知

大仁兼

大勇奉時惟是應時行百王屈指誰同

德萬事由來有志成

勗我八旗永為式孰非

前列賴經營

敬觀實錄思

開創

顧謏恒勤

劼忠誠

右十二

向已圖書貯大成

聖人垂訓久光明積年累月而窮究精義嘉言與

論評典備六十年燭照區分五百廿函盛近因四庫叅詳

校益識

文謨望道情

右十三

百川於此朝宗海

飛閣凌雲切太清夏鼎周彝自典重唐函漢略較他
嬴成編割裂異大典舊要重教撮至精

稽古右文惟是亟襄哉贊贊

勗諸卿

右十四

直傳一貫天人學排日

詩章似例成萬里之間諭尺咫千秋以上驗

平生若詢及節應時句未是吟風弄月情

理趣鳶飛復魚躍化工無盡此探精

右十五

信天

天眷古稀有日益

孜孜若捧盈

著說証明千古舛箴詞惟勗

一心誠勒銘敬慎周武語戒得原循

聖祖情創業守成殊理道更

申知過義尤精

右十六

漢氏譙言在

訂譚底從月令考閒評春秋冬夏於焉對蠕動肖翹各
別名誰辨方言及爾雅漫論渭濁與涇清分明角

解非同塵細體方知

聖語精

右十七

江河日月

道恢宏

國學惟新建落成如意吉祥綿

祖慶崇儒

雅化示寰瀛宜頌湛露聯疏逖何似菁莪育俊英新石
重教增舊石靈鼉奏不數砰訇

右十八

中和樂奏昇平曲鑽仰

堯章益屏榮巷舞衢歌申衆悃新題舊什

闕關情五音宮商徵羽角四德乾元亨利貞詎曰因難
而見巧乃知

天地有元聲

右十九

四推藏禮置朱紃次第三王及九卿倬被公田經

舜步莫非爾極粒民生絲楊錦杏吟情逗雨笠烟蓑稼
具呈試上

觀耕臺上望

勸農一幅畫中行

右二十

博恩應與耀光明蕊榜三場特地行所貴清真兼雅正
預捐蕭艾擷荃蘅遺書搜索佐

文治

授職由來重老成漫說禎祥棲以鳳隣哉思日贊

治平

右二十一

壽錫寰區百廿增千祥萬福萃元正迎年鼓聽都曇響

照世杯開不夜城萬戶

皇都春富貴九華蓮燭翠縱橫柏梁賡已

讌千叟又得

新詩紀上庚

右二十二

悅心甘雨露三白仍

望春雲霈瑞霽層閣已懸銀作網萬峯都以玉為英曰

休曰助新頒

旨宜麥宜禾總愜

情一歲

祈農接終始春生夏長建秋成

右二十三

晴多祈雨雨祈晴高下田胥萬寶成有所會

心常命筆無過飛

興念農耕蠲租賜賑不稽

澤接踵迎

鑾多頌聲惟以實陳飭諸吏勿將容易說豐亨

右二十

四

開閭誅蕩元辰會丹雘維新旭彩明寶篆書聯徵
吉語鳳笙按曲是春聲一堂幸值

五代慶數典應看四庫呈

家宴乾清歌具爾同民翹首祝

釐情

右二十五

濟濟蹌蹌引辟卿

時幾歌作佇臯賡無非

稽古居今處相和敲金戛玉聲何必鸞鵠浮六醴收
將仙液煮三清兩階干羽

重華德

思義還因惕顧名

右二十六

文翰班仍內翰并

文華廣殿集儒卿

親裁御論抒心會亦曰尊聞在力行何必虞臣進歌頌

首崇

彛訓式膠蠻五倫知止湏勤勗

思日新懷瑩德情

右二十七

仙莫十二度敷榮月朔因為

禮寺行譯以

國書宣白業時因福地靜塵情恰如一月千江印聽

是天龍法喜聲一部心經示空色

如來如是本圓成

右二十八

四壁圖書

鑑古今

別裁可識寓心精畫禪筆陣皆相似鳥顧花芳互有情
兩字膽茲虛以愛

七言權當序而行天倪道筦

叅元要

神解還因靜賞生

右二十九

恩頒軍士皆鳧蓼沙暖龍堤免踐更旗籍綠營維內外

農功旅況叶休貞武成事事胥如意

契算迢迢似宿盟列陣旌旗

特親閱馳驅真是賴羣英

右三十

五年

籌筆拓疆萬大地山川一掌平

武偃

文修順

天道野田磧土有人耕試調馴馬雲中錦且聽流鶯柳

外聲檢校漢唐西域傳畏

威懷

德既歸誠

右三十一

厄魯和通以次平金川嘉兆卜師貞八旗子弟心
如石七萃材官古莫衡必有真才濟實用誰能不

戰屈人兵

誠孚度索懸幢地扎薩蒙

恩數世更

右三十二

錄錫膜拜法王燈旛毘衣冠侍子伴舞雜都盧觀
曼衍

化行勃律志銷兵即看鳬蓂尊親意不籍調停典屬情
瀛漠竿邛春宴共

承

天萬里共元正

右三十三

師古量材琢碧瑛和闐歲貢壯

都京鑄鐘特磬均依古玉振金聲集大成何異商尊

及周卣要當晰理更研精還思韞石山輝映欲笑

吳中陸士衡

右三十四

臺裔生番

許惠承為聽指使各將誠二魁俘虜靖遐壤一夜傳聲

遍

帝城勇將歸來兼福將

禮行惟是奉

天行視如遲乃

欣成速飲至筵開及薦櫻

右三十五

逾年

征緬底遲成一可當千衆賊驚此日叛來即叛得不惟
無戰並無征纒頭羣喜瞻

天表有象因之頌太平獨幸文身南掌使憐他一例載

由誠

右三十六

交趾安南後改名阮家應與

錫期禎仰流嘉彼明於順受

寵由來勵若驚

一統咸賓欽

錫美三番耆武匪佳兵衣冠踰濟遵

王會況是

朝家舊法程

右三十七

南北東西共

文軌

詩篇來往達音聲無雙

善本教重泐有六古稀賴

賜禎遊奕似孫安養國

恩膏直逮孽多城呼韓上壽尋常事

壽寓思將遍九瀛

右三十八

春陰瓊島紀春明秀占人間有

玉京此日賢王爭扈從當年學士號登瀛船從紅雨

香中繫

輦向青陽左个行倒影樓臺依碧水漪瀾不起鏡光平

右三十九

仙園韶景薰馨暢

小伏黃麾度禁城有數軒楹資

憩息無雙風月屬昆明樹籠

寶殿千年閱座對西山一幘橫最是

瑤階稱祝日玉輪將滿玉霄清

右四十

難在

守城

創不易大東座鎮翼陪京

丕基

敬繼

五朝業北戒遙踰萬里程最久昇平軼唐漢摩挲往蹟辦

金明書成

開國

懷前永猶仰

天聰此赫聲

右四十一

四代未行或有待

萬幾勅必省其成一時龍虎風雲附却漏山河帶礪盟
王會千官鏘劍佩本根百世

示權衡諡

增一字非私惠敢或從情作重輕

右四十二

監在勝朝

基

命密尚憐氣節在公卿

誠敦君鑑復臣鑑

觀察民生即我生因以輿圖

考當日誰傳麟筆記春正貳臣傳復分甲乙

定論難辭惇史評

右四十三

山莊

侍

祖

承

思地

習武柔遐以次行塞即京華林即上星為含譽雲為卿
家絃戶誦文風蔚鳩杖鶯衣父老迎承德朝炊萬
家起豐徵祀粥飫香航

右四十四

普陀于右須彌左縮地居然此赤城咫尺琳宮並
瑤圃非誇畫棟與雕甍祥垂青幕燈金焰律暖原
蕪毯綠萌

設教由來貴神道畏懷遠部自歸誠

右四十五

露草千蹄踏玉英

霓旌搖曳曉曦明萬靈此日雲車肅諸部皆携獵騎
行沐雨栴風恒此共駱漿乳餅總輸誠虎神鎗寶
貽

皇祖

疊中非誇技擅精

右四十六

筵開洒馬錦雲騰宴罷歌時達網城野甸霜華如玉豔
宜人風物叶金行非誇多獸因農隙亦似承

歡允衆誠原是向年行慣例

等城清曉

視調羹

右四十七

盤山山色遙前旌地迴因知近

玉京鏡水雲岑標道趣風鞍露冕決民情兩峯天闕仙
壺路百烏林翻韶濩聲却想臺懷駐

輦處天花天樂動遙迎

華幹西來走嵩嶽無邊詩景入

行程攀躋直到香山寺仿佛華連舍衛成半笠滄波三

月雨幾盤雲逕萬峯晴

題崖綠字煙蘿蔓漢柏陰中句偶成

右四十九

臺迴俯郊永示後

龍旗玉駱出都城應教春讌繼凱讌為撫鰲鯨溯剪鯨
上將隨車金麗屐新條覆畝綠縱橫嘉名永定貽

皇祖正務

觀河北日程

右五十

岱廟森嚴玉陛

升配

天生物鎮蒼精帶齊襟魯歸

憑攬松韻泉聲總快情詎比登封誇豫大無非民事

厘躬行携來四氏齊迎

輅近止

尼山慰

素誠

右五十一

越水吳山幾度評順時

清蹕此巡行無邊佳景源源至有喜春光面面迎竹箭
桃花觀浩勢方壺圓嶠迴滄瀛南邦水土

平成慶却為

觀民不趙程

右五十二

積土陶莊勢九成

閱河歷歷仰

堯營

九重歡戚同茅屋兩壩東西示定程曲突徙薪誠
上策揚揚止沸可無驚

討源直到真源處紀載從來艱確名

右五十三

籌度柴塘教易石無非保障

厘民生記云凡事豫則立子曰三年必有成祇以
對時懷位育可知

恩澤沛寰瀛屢蒙

天貺昭

神貺

萬壽增如大海并

右五十四

旬五象天六爻衍十成紀歲五常并久安長治

心斯企昔易今難每

縑情

奉以三無畏夙夜大哉一氣與流行

景禧綏履如川至

祿壽駢臻算介瀛

右五十五

山館延緣駐

翠旌綵亭預祝貢輿情恒春樹擁三山近及節花開
五沃擎是則

重華歌解愠雅如七月詠稱觥生身慶祝來諸部厚往

仍照例

賚行

右五十六

曉

蹕乘涼喜快晴金仙羽衛化人城敢希

穆穆居歆眷倍切

乾乾保泰情寶閣便成

無量壽箇燈常放大光明層樓金瓦輝香象果格朱波

續底成

右五十七

喜氣迎

鑒達

帝京天開

閨苑簇霞英篆凝瑞靄猊噴霧響徹雲璈鹿叶聲小

部魚龍陳角觥雙騫鸞鳳下銀瀛香飄丹桂三千
界柏酒擎來獻

壽觥

右五十八

松枝葦度結香棚物物春臺總向榮特喜

百齡來碩老

傳宣次第問民情同居數世史稀見高節為隣德

表貞一例香山南讓北不須金馬羨仙卿

右五十九

聯蹕鞠脰路旁迎引勝還娛

攬結情俯視六街誠富庶靜觀萬類入空明東鷗西鰈
誰分域鈴馱輜車各趨程都道今年逢

大慶春臺登願翠

昇平

右六十

園生歡喜面前迎擬達臣民祝

敬情

萬歲三元恒此對十年一舉又逢庚八挺萃慶承

天佑四壁繪圖告武成南極六星臨

北闕共球閭闔會寰瀛

右六十一

皇祖九霄垂

佑顯六年一日此

丹誠放彌卷退

符精義

虔輦流謙慎捧盈

知者樂兼

仁者壽

靜為用復

泰為貞雙撐竇柱輝

皇極古語微來有共情

右六十二

逢源左右垂

雲藻惟

聖人通天地情不涉言辭契

倪莞底因流嬾識

元貞留餘

純嘏方來備於萬斯年未覺盈得自侍臣親眼見有欣

鳧雁亦和鳴

右六十三

數成上下經義卦歲歲

籌添海屋盈

大德躬應

五福備旁通曲盡六爻情金純什襲守惟甲玉斗迴旋

屈指庚

一喜由來生萬喜

重熙累洽

萬年清

右六十四



八旬萬壽盛典卷八十八

欽定四庫全書

史部

欽定八旬萬壽盛典卷

八十九
九十

詳校官兵部主事臣雷純

欽定四庫全書

八旬萬壽盛典卷八十九

歌頌九

萬壽恭紀演連珠一百首謹序

戶部尚書臣曹文植

乾隆五十五年歲在上章律中南呂日躔壽星之

次恭逢

皇上八旬萬壽慶辰中外臣庶懽忻蹈舞顯效展

觀之至願也申祝

嘏之微忱貞符溢夫簡牒

盛典盈夫幬載洵開闢所希觀而於

今始欣遇者也洪惟

皇上福基崇鞏

壽徵引延

臨御以來祇承

天

祖受民勤政右文振武制禮作樂展親興賢養老柔遠凡
所以導含生之和迓大順之庥

綜創守乎一致動經緯乎萬世皆

乾乾孜孜日新月盛所由以啟

壽昌之景運

隆郅治之極軌嘉符協聚蕃祉疊膺懿鑠哉易言久道
化成禮稱大德必得惟

大聖人誕受

吳貺握其左契焉茲者

愈興誠

修懋典

醇化蒞敷寰瀛茂豫賓服砥厲通譯貢獻新封之安南

仰荷

德威請襲冠帶躬効鞠脍我

大清大一統之規模斯為極盛而

睿謨悠久

老念敬覆惟庶徵時若是

厘錫諸芝璽

昭示鴻篇維勤不已之

聖心蓋持之億萬年無有紀極臣夙直

禁聞深沐

聖恩恭養教誨備極

高厚生成之德歸養四載

渥澤優滋

體恤曲加於逾格愛戴倍切於撫衷爰抒誠籲恭赴

殿廷虔祝

萬萬壽臣曷勝欽戴慶抃之至謹演連珠一百首拜手

稽首以

獻其詞曰

臣聞符珍握闡迺迓繁釐圖錄美延聿彰純佑是

以

重熙篤祐福緒衍於

宸躬

久照凝庥祥源漚於

曼壽

其一

臣聞畫八重列乾坤之策斯標位五十成部元之

章攸布是以籌增

景祚納祿而

衍億齡慶鏘敷天舉典而

俞衆籲其二

臣聞徇齊敦敏元后秉於天亶緝熙執競典學躋
以日新是以

冠勲華之業能哲能惠

合君師之統乃聖乃神

其三

臣聞天地萬物之祖受福則那黍稷明德之馨惟
聖時憲是以

三大祀歲崇崇燎通

昊貺以至誠萬斯年

躬陟

郊壇孚乾行乎至健 其四

臣聞皇舞綴遠桑林肇其祀典盛樂律協曲臺載其
儀文是以

定辰見之候待澤於稠疊

崇夏孟之舉應禱於

敬勤 其五

臣聞守祧所掌重於典瑞宗器是陳煥以延喜是

以山輝川耀呈寶

五朝肪截瑜鍤藏珍萬祀其六

臣聞幽風七月王業所權興皇矣一篇帝眷所憑
式是以

聰聰

寶訓盟誦而迪

鴻猷啟佑後人世守而昭燕翼其七

臣聞商胤發祥業隆相土周烏流瑞蹟啟高山是

以

見凜美牆

龍興起乎百代布在方策

駿烈耀乎九宸其八

臣聞先聲破竹克捷本於同心衆志成城無敵斯
為大武是以

紀木厨之

一戰悉封四路之鯨鯢

詳

王帳之六韜如覩八旗之熊虎

臣聞服畔尚冕商周之制不沿走馬張弓幽岐之
俗自茂是以

述

訓典以恪守其容有章

勒貞珉而勉敦爾能各奏

共十

臣聞似續前徽心傳式凜繼繩大業澤逮愈長是

以

思松壑之

舍飴並勤纘緒

題栢楫而煥采用識肯堂

其十一

臣聞謨凜勅命庶事以康訓紀延年無逸作所以

披章燃寶炬勤切求衣

聽政御彤扉務決

當宁 其十二

臣聞五帝其臣莫及不廢都俞百官敬爾在公猶
煩慎簡是以鳧趨辨色侍臣即荷

傳宣覽序近

光未秩亦邀

登選 其十三

臣聞魚書渙汗若雨露之滋鳳綉敷音等風雷之
發是以

丹毫進御昭賁乎堦琅

紫極宣批輝耀乎黼黻

其十四

臣聞泝泝庶類醴飲者和樂嚶嚶羣生景照者呼
忭是以

體仁敷暢暘若雨若

勤疇咨

省歲豐穰民數穀數欣駢美

其十五

臣間庶邦正供則三壤而賦定羣黎徧德籌四黼

而哺含是以

帑鏐艘粟普蠲

賜租賜復露積益藏益裕至再至三

其十六

臣聞如氏賜金賚資乎主德姬室奠賈貴錢徵於
職司是以賑議極次之分儉歲無非樂業官謹糴
糴之法酌盈乃以劑虧

其十七

臣聞循尊斯設非壺飧之私惠義轡既煬詎煬火
之微溫是以冬令屈祁塞粒食飽

德春祺辰甘液粟賜

加恩 其十八

臣聞聖經猶日月憲牖詎宣其光至教若河海潢
港莫竟其委是以

儀修

春殿陳傳疏於縫紳義扶

天章闡苞符於

緋几 其十九

臣聞宮牆聖域奕禩印思車服禮器學子快覩是

以

孔門崇舊址翼黃瓦而翬飛周範

頌吉金翬碧花而苔古

其二十

臣間辟水雍宮豐鎬特肇厥制環林槐市元明徒
襲其名是以泉淪海流

創三千年所未建方中國外邁十二室而加闔

其二十一

臣聞農祥晨正則三推之典備明禋亥吉則一墦

之脈滋是以華首耆毗侍

玉趾而勛穡事紺轅終畝

怡天顏而

詠禾詞 其二十二

臣間崇壤興行辨賓主介僕之儀飲酒尊老定天地陰陽之位是以

酌政教之本鄉禮可行轅孝弟之風王道故易 其二十三

臣聞截筭索泰之法元音協諸器律占氣叶之應

盛世象厥功是以鑄鐘鏗八音先

堂顏韻古鞞屨掌諸國樂

陞龜風同

其二十四

臣聞州未聘魯三百徧歌杜氏在漢四篇能奏是
以詩皆入樂譜

定琴瑟鐘磬管之繁古亦猶今名復宮商角徵羽之舊
其二十五

臣聞笙詩有詞匪東哲能補抑戒肄雅惟衛武克

誦是以用之邦國

吐詞為葩經被諸管絃以規為典頌其二十六

臣聞櫛沐風雨舊閱在山河懿親屏翰榮名書典
誥是以追謚復爵

表宗英之勞析圭銘勛

復始封之號其二十七

臣聞毓慶銀潢筵几明其苞體分華璿夢簪綬爵
其柯枝是以源溯

六朝十一世廣既睦之嘉醺秩班四品二千人荷罔替之寵施其二十八

臣聞大法小廉澄叙而工亮文揆武奮選授而知臨是以

最爾位之靖共時儆臣鑑

秉大公以陶鑄益凜官箴其二十九

臣聞剔毛攬駟制科大博選之方飛翹揚滯俊髦卜彙征之吉是以杏葩桂粟逢

國慶而芳增經笥詩囊遵

功令而

化溢

其三十

臣聞弓矢斯橐雅化興於庠序禮樂所屆儒風起
乎邊塞是以釋菜鼓篴沙磧聞絃歌灌燧銷鋒鉞
服羨衿佩其三十一

臣聞辟以止辟明允溯虞刑期無刑詳慎紀漢是
以

體

好生之德圜土滌寃民

秉無私之懷爰書仰

睿斷其三十二

臣聞高墉是衛命式于九圍周道如砥制起乎四
達是以

換屏藩之孔固聳堞蟬連喜道路之共通列衢軒豁其

三十三

臣聞虜池奔注夏秋必禦其衝沽淀匯趨東西每
疏其委是以架虹梁之矗矗立砥柱而安瀾俯葦
渚之叢叢達海門而順軌其三十四

臣聞戢桃花之浪榮澤胥澄帖竹箭之波崑崙可
接是以

佑孚齋禱合金隄而驟成源考信徵踰星海而遠涉其三十五

臣聞東隄刷沙成法資於相度醺渠道胥新猷殫
其周防是以六度

示機宜波清淮向萬年資利賴溜髻陶莊其三十六

臣聞鯀壑之廣豈犀弩可遏其勢鷺濤之汎非竹
楫可禦其衝是以石骨稜稜銜坍漲而壘復梅椿
簇簇指龜赭而波溶其三十七

臣聞書羅十體政學之所貫賅才孕萬象端倪於
以豁達是以

文成法立九天星日之照臨

氣盛言長四海波瀾之壯濶其三十八

臣聞無邪以蔽館六義之紐樞多文為富殫百思之尋繹是以卷逾五百

睿思

睿藻所淹涵

什摛數萬

實心

實政所充積

其三十九

臣聞香山長於諷諭徒執其一平水聲夫聲韻孰

拈其全是以

剔秕政而陳良法千餘年美刺殊旨

揚

祖烈而鑑古史百六部上下分編其四十

臣間古禮別經曲儒林守闕信史昭炯鑑直筆黜
華是以

裒義以闢榛蕪息諸家之聚訟

立論而嚴褒貶屏衆議之浮夸其四十一

臣聞西山扁鵲秘府則價重乙夜披覽惠士林
則教普是以庫區四海

連藝苑之津梁

閣映七星續文園之藻斧

其四十二

臣聞漢隸立石惟蔡邕之寫經宋雕壽梨有畢昇
之活字是以證經史以善本精印廣其傳萃剞劂
以多珍

弁端稽厥制

其四十三

臣聞運筆以心八法呈其體勢化工在手萬象通
乎神明是以

宸翰麗天龍鸞効舞

寶繪寫物翹蠕貢情

其四十四

臣聞良工藝諫足驗輿情赤子誠求試稽羽族是
以哺鷄伊嗟

繪翰音而念阻飢啄粟嗶啞

揆鳳藻而告司牧

其四十五

臣聞農桑為政之經每流傳乎粉本布帛為民攸
藉允仰給乎木棉是以錫石神全功被圓周之
宇

題圖幅滿暖生吉貝之田

其四十六

臣聞雙鉤廓填神采傳諸楮墨十鼓譌闕可護等
於球圖是以墨寶

署軒

堂弄宋榻元鐫而加整法物位鬯序

排吉詞籀筆而重篆

其四十七

臣聞大勇爰錫穿七札以電馳神武丕昭貫六鈞
以風送是以

十發中九稱歌徧魚雅之儔三驅疊雙習藝練貔虎之
衆

其四十八

臣聞肆覲懷徠所至謂之幸周陸獵較多獲以待
頒是以

仙莊歲

蹕繩

武而列藩宴衍木蘭

秋獮詰戎而七萃技嫻

其四十九

臣聞征代獮狁用秦膚公克捷蓬婆廼定絕徼是以螳蟻畢駭屠維則

帝德誕敷俘馘同獻柔兆則

天威遠耀

其五十

臣聞北紘西域禹貢未悉興圖首宿蒲梢漢史每

臚物產是以統冊九旗為臣僕

張

兩朝捷伐之威收二萬里為戶庭

拓千古幅員之限

其五十一

臣聞瀛壖久成樂土煮海耕沙潢池迅殄妖氛
蠶振擇是以牙璋發興桓禽二豎而賈餘勇生祠
建赤嵌捷凡旬而承

睿畧

其五十二

臣聞充國建議樹候尉之奇勲諸葛離耕垂屯成
之上策是以鑄劍戟為農器厥地達蒲蔥布亞旅
於牧場其穀宜稻麥其五十三

臣聞圜法既行屬隸亦權厥利上幣既達底貢因
輸其誠是以號奉

天朝鼓鑄徧大蒙之野人擘

國寶懽乎存普爾之名

其五十四

臣聞大宛牧澤歌天馬之蒲雲于闐撈河美寶玉

之出水是以萬里刷秣入

御殿而調良三采浮筠甞

天閭而邈迤

其五十五

臣聞山川道里土訓紀述職言語文字象胥通來

庭是以西被流沙卅六國悉收圖籍右行黠漆重

九譯咸辨聲形

其五十六

臣聞禡祭致禱禮尤崇於凱旋捷書告功物更數夫

俘獲是以攷弓脫劍藏

靈旂以結旌奪胃塞旗紀奉常而載籍

其五十七

臣聞黍稷雨雪之詩勞還秦雅鼓吹鏡歌之製飲
至騰驪是以抱

膝觀

顏

御臺而寵師武

論功頒賞開閣而宴赴桓

其五十八

臣聞犁庭掃閭風雲翊夫昌運橫戈注矢丹青貌

其英姿是以三大捷皆仰

神謨勞資心膂數百賢疊成茂績照寓鬚眉

其五十九

臣間鐘鼎題勛長垂史冊鼓鼙宣力屢煥畫圖是

以繪

天畢之申威彤工聚米狀兵符之迅發勢比摧枯

其六十

臣聞燕然之石可銘國威遠播橫海之名特署軍

志聿哀是以

奎畫摩崖照籀徵格登而光遠

雲章泐石示鯨身鹿耳而化周

其六十一

臣聞燮諧漸被隸典屬而誠愈翹朝覲宗遇凜句
臚而儀益習是以年班蟻附裘帕偕來

正會見趨鷁鰈並集

其六十二

臣間沐和飡信感喻於無能名助順歸慈勃發於
不能已是以宅屋翫杜俗淳悶而土饒涉澎湖島
衷吐輸而

天咫

其六十三

臣聞敬闕通款非傳檄所招徠摯部請朝必量地
以輯撫是以伊綿嘉兆頻納嚮化之忱衛拉全歸
盡屬分編之侶

其六十四

臣聞受命黃耆知烈風迅雷之無聲納貢白雉占
八律干呂之有氣是以道通六詔呈金葉於闕門
珍效百蠻貢花牙於

象魏

其六十五

臣聞大鈞之燾萬類陶鑄以成甘露之滋百昌句

萌乃擢是以休

威懷

德備比戶之藩封悔過輸誠

頒中天之正朔

其六十六

臣聞井絡以西編名請吏衛藏之界奉贄獻衷是
以繡貝多之秘文顧依

佛日改冒彫之舊俗欽溯

皇風

其六十七

臣聞塗山玉帛之輯列服率從貞觀朝貢之盛諸
國來享是以陸慄水慄咸蛾伏而輸琛服奇物瑰
因鱗次以圖像其六十八

臣聞天格麗日荒服織於錦韞玉宇照躔榮光起
於銀漢是以

驪珠分彩

錫瓊滢以商皇

霞榜流輝徧盖輿而燦爛其六十九

臣聞邵岐溯澗泉之源古風敦樸豐沛都粉榆之
社王氣環迴是以

舉巡典於鎬豐

烈承

謨顯修裡祀於

郊

廟地獻天開

其七十

臣聞東南賦藪求瘼而戶可封吳越澤國宅土而裕

欽定四庫全書

卷八十九

以養是以額忱萬姓

省觀孟慶安全

舉典六廵民物彌增浩穰

其七十一

臣聞畿輔地近補助尤先
渤澥利饒宣洩攸賴是以
析津迺

蹕引沙岸之縈紆浹池汎

艦列渚田之繡繪

其七十二

臣聞五嶽之長治石徒侈靡文萬世之師少牢未

臻隆祀是以岱宗作鎮

升香齋魯之封

宣聖傳心

展儀洙泗之里 其七十三

臣聞臺懷結剝蹟著曼殊清涼轉石法傳震旦是
以天花迓

輦卜兆姓之康年梵唄迎

鑾增

億齡之寶算

其七十四

臣聞荆河惟豫州膏腴沃壤嵩少曰神嶽靈秀奧區是以

課吏觀風候屆三登之慶

受釐錫嘏民工萬歲之呼

其七十五

臣聞德維日新銘諸几杖嘏云天錫敷厥閭闔是

以

壽屆七旬特琢

寶以志瑞

功高六帝猶

著說以居謙

其七十六

臣聞徙行椒蕃千億廣其萃睦源長派引雲初兆
其熾昌是以士族惟六姓事探祕籍

天家慶

五世喜奏飛章

其七十七

臣聞垂裕展盛疊見於熙辰膺祐紹祺彌彰夫泰

寓是以福曜麗乎

璿極

大文紀祥

行殿敞乎溫源吉詞增嘏

其七十八

臣聞寧謚以彌性苞茂基培壽愷以綏和輪奐規拓是以

紫微左界披三路而麗彌

北斗上垣運重霄而煜爚

其七十九

臣聞華構建杓垂藻翔虬之狀絳雲流彩編珠疊壁
之光足以鏗燦九枝表

佛光者四照聯標雙柱宣

帝德者八方其八十

臣聞龍筭發元音擇三品所竄貴鯨鏗導衆樂必
百諫而後精是以歲紀由庚雅奏而介景福律吹
叶酉金聲而集大成其八十一

臣聞四代尚齒考憲乞乎惇史百年加豆傳醕饋

於禮經是以

者筵再錫紀盛則三千叟

廣墀獻

壽積算則廿萬齡其八十二

臣聞祥和所被下多逢吉之樂
聖隆既蒸戶有敦睦之行是以介眉繞膝

壽世瑞駢推產同財義門風盛其八十三

臣聞節筋力之禮異數載加有耆艾之福奇榮是

眷是以趨直辰人仍

賜小車題名甲周重叨

恩醺其八十四

臣聞士氣培養華首猶參試席高年矍鑠榮名乃
預清班是以鮑鮑聚連襪榮希一第

絲綸許釋褐懼被九寰其八十五

臣聞招提演梵共闡真乘宰堵凌霄具瞻瑞牒是
以法雲常護儼示應於金輪吉帛高懸弗侈祥於

貝葉 其八十六

臣聞仁澤及昆蟲蠕動性感祥風灑庶類遂桐德懷是以

帝錫曰仙侶擅羣真之籙神明而壽長近太常之齋 其
八十七

臣聞易準天地道與彌綸位列方圓體分變互是以

摘詞三互集聯茵列席之懽揲卦萬千博迭起循生之

趣其八十八

臣聞堯封光被迎召者天庥禹疇福演順應者人事是以

撫茲億兆姓叙時承

禧

念用八庶徵鈴丹

示記其八十九

臣聞六幕斟元仰流而輸葵向初韻迪吉斟醲而

賦蕭斯是以墀舞

朝元綿區樂和會觴稱介

壽湛露徧漉滋

其九十

臣聞坎圻大洽之候惠心有孚澍濡式布之辰醇
意正決是以

十行錫羨上下訢和元日

垂溫朝野勰燮

其九十一

臣聞名山大川嘉貺所延者廣神皋福壤聳誠所

布者遙是以奉香函而馳禽儀惟謹乘星輅而出

德音孔昭

其九十二

臣聞懋賞在位簪紱進秩推恩報本鈿軸捧章是以

體亮職之微勤百辟胥加班級

寵貽令之素志

五雲悉荷

輝光

其九十三

臣聞足國足民薄歛莫如免算惟威惟愛詳獻尤切廣仁是以

四沛豐施正供於以

普給

三省解澤減議益以自新其九十四

臣聞姜梧凡樸醲化作人肆雅鼓篋文治被美是以科增額俊翹藝榜之英月免積分逮槐市之士其九十五

臣聞六星麗弧競占鮮采百年稱兇快覩康疆是以
越期頤以十齡紀添鶴算祝

福遐而再

覲齒先鵬行

其九十六

臣聞心充渥洽跋萬程以遄征穀際罄宜効四方
以來賀是以南交奉表被

盛代之錦章

北闕擎

觴承

溫顏於

黼座 其九十七

臣聞懸車頤性優老之典榮循陔備養教孝之恩
溥是以

溫綸霑渥感

育物以滋培

壽寓龐褫喜瞻

天而鼓儻

其九十八

臣聞祝鵷居以多壽敦樸之言是獻答鹿鳴以九
如揚扆之詞載登是以分帙臚

恩則紀實愉洽

舉典循例則遇旬

慶增

其九十九

臣聞貞元循環大圓幹運旗翼叶算鴻化舒延是
以頌謚三多

欽定四庫全書

八旬萬壽盛典
卷八十九

三十

孫

保佑命申之久

論詮四得統位祿名壽之全其一百

八旬萬壽盛典卷八十九

欽定四庫全書

八旬萬壽盛典卷九十

歌頌

十

萬壽祝

釐茂典記一首

禮部尚書臣紀昀

欽惟我

皇上正位星樞凝神雲牖九陽元氣運橐籥以周流二

曜貞明轉璣衡而不息

萬萬年綿延鳳紀積算無窮五五數契合龍圖循環復
始當由庚之直歲

八袞宏開卜太乙之降祥四瀛同慶衢童壤叟咸泳化
而謳吟冰海炎州亦聞風而詠蹈丁未八月多羅
禮親王臣永恩等上占

景命欣叶瑞於南弧博採輿情共陳書於

北闕祈增

舜壽預陳河渚之符幸荷

堯俞

俯鑒封人之願

許以庚戌八月舉行

慶典從衆志也然而

冲懷謙挹

明訓諄詳雖席豫而履豐恒戒奢而示儉戊申三月

詔以大學士臣何桂臣和珅等經理其事曲從民志容

中片曝之忱仰體

天心不改松雲之素觀瞻所繫惟昭

帝制之莊嚴節度斯存不極人工之巧麗蓋我

皇上執中建極規矩生心稱物平施權衡合道義當修

舉雖億萬而無辭事近紛華即纖微而亦謹是以

黃河紫澗斷石塞茭粉堞丹樓甃郭造邑冬官計

直恒盈轉運之舟車農部持籌弗靳度支之金幣

至於

春旗遙蒞輯瑞

時巡秋獮

親臨艾蘭講武

屬車所至鄉閭無力役之征

行殿雖陳棟牖鮮雕礮之飾屢聞

丹詔勿踵事以增華或發朱提每量工而給直今逢

聖節方同文囿之經營預降

溫綸俾守堯階之樸漱持盈保泰

聖心之所見深矣是年八月預行正科鄉試即以明春
會試而以正科之歲加舉

恩科歌鹿鳴而開宴不待三年登雁塔以題名探支一
歲碧桃重放春風長天上之花丹桂添栽秋露浥
月中之樹銀袍及第咸稱

壽考之作人鐵網求材應見文章之報

國此

行慶施惠之始也至於伏生耆耄白首研經曹鄴棲遲

青衫隨計未扶鳩杖皆邀免解之

恩得到龍門總入奏名之例人登雲路爭看老鶴之冲
天官帶冰銜亦似新鶯之出谷蓋年老諸生以鄉
試

賜第會試

賜職者三載之中殆數百焉是皆我

皇上金華歲講

念典維勤辟水

親臨

栽培有素

奎章寶宇括典謨雅頌之精

辟府芸籤蒐甲乙丙丁之秘箕疇演範建

皇極以敷言

羲畫傳心觀人文以成化元元本本惟

聖教之開先炳炳麟麟遂儒風之彌盛加以澄清士習

滌宋儒朋黨之風慎重科名遏唐士宦緣之竇敦

崇道義俗盡還淳砥礪廉隅人思自立是以滋蘭
種蕙才彌取而彌多映雪囊螢年益高而益壯幸

登

壽寓得荷

榮光豈非

久道之成俾協彙征之吉歟是月緬甸國貢使至十二
月臺灣生番亦至白狼赤氍唐姚州旁帶之區青
草黃茅楚莊躋未開之地當年負險避七萃而潛

踪此日翰誠慕兩階而向化甘稱臣僕不矜驃信
之題詩無待招徠迥異趙佗之納貢至於峒蠻別
種翠嶂週圍海國旁支赤嵌控帶土風各別在山
都木客之間王化不通自粟陸赫胥之世屬以樓
船下瀨橫衝鹿耳之濤戈甲搜巖淨掃雞籠之雪
狼弧討逆始知九伐之

聲靈蜃窟傾心願附八閩之版籍鳥言卉服到

朝廷初習威儀瘴霧蠻烟如天地乍開混沌是皆

皇穹眷命申保佑之無疆故令荒憬歸心昭天人之合契

當其仰瞻

宮闕經九譯而來庭皆蒙

俯允臣鄰效三呼而致祝豈偶然歟是年冬禮部侍郎

臣德明以太常寺仙蝶恭

進蒙

御製詩章我

皇上道源洙泗久斥神仙治法唐虞寧矜符瑞故

天文寵錫雖特記其來儀

聖諭丁寧仍預防夫好異然當昆蟲之俯蟄咸避風霜
惟茲薄翼之蠅飛近瞻

雲日共間共見事有明徵時往時來象非偶幻良由
得天久照逢

洪算之餘延所以與物皆春飲太和之洋溢休徵感應
則草木長蕃協氣沖融則禽魚咸若亦似陪廕之
千叟谷遂生成因偕表宅之百齡並登仁壽較諸

連珠合璧天著神符九穗雙岐地徵靈契洪纖異
類論其事似若殊途位育同原考其理實無二致
帝垂彞訓雖云却而弗居臣頌昇平未敢闕而不錄也
己酉正月大學士臣阿桂等奏請纂修

萬壽盛典稿詞東觀金匱細文比

壽南山琅函紀盛自

七旬而託始十年之歌頌彌多列八目以分門兩載之
蒐羅未竟蓋

九重之

綸綍歲歲增宣兼萬國之梯航時時還集浩繁難罄本
如海之無涯接續添書亦似川之方至義和測驗
不能寸晷而周天章亥步量難以數程而盡地固
其所也是年五月安南國阮光平奏表乞降七月
西番廓爾喀亦遣使內附鄧侯去國失地書名邨
子無歸從孥不返廢興有數識

天意之所存順逆能明即

帝心之所鑒陳情納贄願隨

軒帝合符稽首稱藩不待

周文因壘當經始祝

釐之歲恰值敬閱計臚歡稱慶之期猶能來賀若夫蓬
娑之外地漏山經井絡之餘人依梵域大荒西去
已遠隔乎坤維懸度東行但遙稱以震旦初以下
情未達觸壘構累而兵爭繼以

聖鑒周知虞芮質成而心服稽其龍媒人貢路出三巴

正逢桂蠹封函人來五領聞風警慄均為不戰而
降接踵馳驅大似相期而會若或使之斯亦異矣
是歲也嘉祥並祥已屆

昌辰

乾惕彌深猶形

睿藻

德能基福理溯其淵源

聖本希天

心符乎疇載九疇布列惟

皇極之居中五事分占信庶徵之有驗文鐫

寶篆詞比湯盤

記勒瑤編義深堯誠上乎

帝緯知息息之潛通獨握

乾樞恒兢兢之

密省則有

御製八徵耄念之寶記焉雙鉤精妙墨拓烏金十鼓團

園石瑩蒼鏘援今證古縷陳一器之源流摘謬存真
親定三家之同異集王書而刻帖妙勝懷仁補周雅以
成詩遠逾東哲已殘焦尾重膠百衲之琴久碎精
金再鑄九州之鼎

幾餘旁涉足知

聖智之兼周物小能勤益見

睿思之曲到則有

御製重定石鼓文焉夫岐昌演易法天者在於健行姬

旦陳書享國者由於無逸箴銘谷儆是真保治之
樞機強固精明抑亦

延年之符券矣庚戌正月頌

萬壽恩詔於天下大撓推筭候屆新正太皞司辰時當
元旦簫吹太簇為東風入律之初柄指攝提是北
斗回天之始

寶袞啟長生之籙

天祿方增盍彙散太極之泉

春祺用錫歲朝申賀拜

黼座而分行

聖節推恩布

綸音而渙號台衡承

旨曄來一卷

黃麻宗伯司儀捧到三層

丹陛鳳銜而下日華耀五色之紋蛾伏而聽風影漾

雙垂之穗鴻臚迭唱春生廿二條中儀部分

頌澤決三千界內霆聲啟蟄八寅之蠟處傾聽雲液流
甘百族之桐生茂豫喧呼相告真如大海潮音沾
溉無窮未減恒河沙數然而我

皇上淵乎深念彌軫銜茅邀爾遙思先知稼穡

乾元各正雖溥育夫寰中

巽命重申再加施於格外更於

頒詔之後

命普免天下錢糧九州成賦為數原多一體蠲征承

恩最溥

滋培有素已兩停轉粟之舟

敷錫無疆又四輟催租之吏

膏雨一時而再降九穀增蕃

福星每歲而移躔三年徧到固宜

堯封禹甸人人後舞而前歌無使戎索蠻疆處處懷仁

而慕義矣是月十日

命外國貢使隨宴於

御園高句驪東藩之首近接三韓暹羅斜南海之隅遙
通六詔集榕城之市舶獻籩者地號中山欵桂管
之關門奉表者人居北戶復有天西之絕域駭鹿
呈圖新從棧北之長途貢藝通道先來後至均當
慶節之前舊屬新封並入

華林之宴五筵列俎叨

天酒之

親斟三國同文喜

宸章之賡和顏師古繪圖貞觀曾所未聞明悉獵聯句
蓬萊知其不逮豈非山川萬里咸知

威德之昭所以中外一家共效拜颺之盛歟二月

東巡岱嶽

親祀

孔林百神咸秩迹尋黃帝之合宮六藝常昭禮重

素王之闕里萬象入

光明之燭風被青徐四民游樂利之天

恩沾河濟惟

皇歛福無煩探策於山靈是處祈

年定信添籌於海屋況乎

臨瞻車服道本崇儒

宏獎詩書政先造士地連郊甸博收冀野之驂騑俗尚
章縫添種類宮之芹藻燈明黃卷爭奮志於黌中
草映青袍每成名於額外傳毛萇之雅頌多吟

嘉樂之章習言偃之絃歌半奏

熾昌之咏良有由矣七月緬甸國貢使與臺灣生番皆

復至狼臙初返求

錫命而重来龍戶纔歸因介

眉而再到就瞻志切寧辭川陸之遙頌祝情深敢避風
潮之險紅綃胷額金葉高擎綠罽垂腰瓊筵曲跪
花紋密簇辨佛天香象之形錦段輕舒出海國靈
鮫之手珍函秘寶宜增修瑞應圖中異狀殊名具
譜入昇平樂裏他如昔來豐鎬曾錫南車後逮羸

劉遂停北轍迨

威稜之震疊遠被丹垠乃遯聽之風聲重輸白雉十年
一貢平時原有常期

萬壽八旬今日特中賀悃飛章先告正當岱宗輯玉之
時函表初呈恰符泮水獻琛之地足見綏柔之

德歷久而彌深亦徵銜感之忱有增而無已則南掌貢
使至焉攀轡故地南北二庭災厥遺封東西二部
赤山青海裒延斜繞乎長城烏戈黃支控制全歸

乎都護不侵不叛一百年松漠銷烽無詐無虞二
萬里玉關通驛來經冰磧知屬國之同心跪上霞
觴願

聖人之多壽則蒙古回部咸至焉雷音說法遠接金容
雪嶺安禪別開銀界西方佛國夙尊大寶法王

東土聖人早識

曼珠皇帝曇花淨域尚傳五百之應真貝葉新經敬上十
千之

天子企瞻

舜日皆生歡喜之心膜拜

堯階齊賀

延洪之祚則西藏達賴喇嘛班禪貢使至焉大宛舊壤
夙建五城毋寡餘民今分二族稍雲古榦問神樹
而猶存踣鐵高蹄貢花驄而屢至時因譯長得聞
中土之歡吟敬遣翎侯遠達外臣之賀悃黃雲入塞
來經甌脫之區赤帝聯行亦預友閭之會則哈薩

克貢使至焉周封箕子古有遺風李代王瑤今仍
舊國樂浪郡久為外域實密邇於邊疆覺華島一

震

天威遂長修夫職貢每逢

聖壽原隨虎拜之班幸值

隆儀更切鳧趨之願途經風雨雖淹滯而難行志仰

雲天竟馳驅而迅赴則朝鮮貢使至焉岷源曲折江水

東流石紐巉巖維州西控狼心叵測近依巴屬之

疆鳥道難登舊是丹驪之地自六師之戡定全然
列戍開屯遂凡姓之救寧莫不輸實納賁更番入
覲得瞻

龍衮之光隨隊躋堂亦附雁臣之次則兩金川土司至
焉若夫呼韓覲漢雖有前聞蘓祿朝明亦徵舊史
然皆偶因他故隨貢篚以來庭都非特矢專誠奉
壽觥而詣

闕茲獨山程水驛遠跋涉以觀光月館雲階躬趨蹌

而申慶淑詞金盞迴逾唐祚之歌蕃樂永絃絕勝
迺茲之譜核諸越史堯以來之所未聞徵以蠻書
唐以前之所莫紀則安南國王阮光平親至馬是
皆我

皇上天弧震耀八極

宣威

心鏡澄明

九重握算河源桐鼓再清蔥嶺之塵月窟牙旗雙獻花

門之戟闢蠶叢而破陣泉繞巢空跨鯨海而揚舲
魚龍氣淨路窮地絡八紘拓白阜之圖響徹天閭
十曲奏黃神之樂是以玉河珠海恣主悉臣鰈水
鷗林來王來享

九如陳頌際流虹繞電之期四海趨風預鼓瑟吹笙之
宴會歸之盛至是而茂以加矣七月十有九日

聖駕至自

避暑山莊自八月朔為始日

召王公大臣及諸外藩

錫宴作樂於

同樂園朱廊列坐共侍

堯樽

紫殿分曹同聽

軒樂風生繡闕廿四番迭換雲衣響滴銅壺卅二刻細

浮銀箭對瞳瞳之日影

化國恒長望穆穆之

天光

聖容倍肅綈囊疊進仍章奏之

勤披錦帙時開史圖書之

頻玩管絃聲裏事每

親浴歌舞筵前人猶輪對

起居無倦是為靜而有常

莊敬彌強益信恭則能壽此尤近依

日月衆目之所同瞻恭詠堦萊羣情之所共慰者矣是

月十二日

聖駕自

圓明園入

宮

金支

啟蹕道路光輝

玉輶鳴

鑾人天瞻仰幔亭帳殿稍供

睿賞之

遊觀巷舞衢歌聊作太平之潤色
九華煜爚黼黻周張
百戲駢闐魚龍曼衍蓋

恩膏之沾沃物力原豐況

茂賞之便蕃工徒胥逮露臺猶惜雖知

聖德之謙沖馨鼓弗勝難禁羣情之踴躍四圍周顧如

登忉利天宮

六御徐行真見

無量壽佛十三日昧爽

皇上御太和殿受賀千官散珮候虬箭而晨趨萬國衣冠待鳧鐘而夜警東皇日出五色瞳矐

北極

天臨九闕肅穆華旗金翠交動影之龍蛇寶鼎烟雲裊薰香之龜鶴五疇

欽福表陳出浴之符

萬歲徵祥拜效呼嵩之願仰

皇躬之康豫慶洽禪瀛修

茂典之煒煌光昭禮樂豈但大同紹興至元之帝莫克
比隆抑亦攝提合雒禪通以來未逢斯盛於是上
遵

祖制瓊筵展八日之期下慰人情綵服過兩旬之外自
天眷命僉云

第祿之加羸與衆同歡共卜

修齡之錫羨

皇運萬八千歲蕩蕩天長易圖三十六宮益益春滿歌
舞溢於九野音兼乎傑侏離滋紫徧於百昌澤
洽乎飛潛動植茅簷鄣屋咸擊壤以歌謠驚序駕
班爭操觚而賦詠臣起家詞館本業文章承乏容
臺又司典禮恭逢

聖節叨褒贊乎

鴻儀宜奏和聲用發揚乎

盛烈惟是

乾坤之象非尺寸所能量

日月之光非丹青所可繪每思挾藻動輒含毫況乎

福德兼隆篇章易富上擬班揚之作置積書山追摹枚

馬之音爭流學海金春玉撞已看衆體之兼陳蟲

酌管闕寧待庸音之複述惟是春風乍暖則鶯轉

叢花夏雨初晴則蟬鳴高樹在小物適逢佳候尚

解舒吭豈微臣幸遇

昌期竟能秘響緬惟古義守官與守道無殊揆度常情

所見較所聞為悉爰稽舊牘起合詞籲請之初敬
述

新綸至

大禮慶成之日規模畧具惟臚職掌之相關挂漏猶多
實覺揄揚之不盡雖知駢四儷六非記

言記

動之體裁所欣

咸五登三皆


得壽

得名之證驗獻諸

黼宸惟仰祈

悠久之無疆布在書林庶共識

康疆之逢吉



八旬萬壽盛典卷九十